

Mawlana Shaykh Muhammad Adil ar-Rabbani

SHA'BĀN HAMARE RASOOL ALLĀH ﷺ KA MAHINA HAIN

As-Salāmu 'Alaykum wa RaḥmatuLlāhi wa Barakātuh.

A'udhu BiLlāhi Minash-shayṭāni r-rajīm. Bismillāhi r-Raḥmāni r-Raḥīm.

Wa ṣ-Salātu wa s-Salāmu 'alā Rasūlinā Muḥammadin Sayyidi l-Anwālina wa l-Akḥirīn.

Madad yā RasūlAllāh, Madad yā Sādāti Aṣḥābi Rasūlillāh, Madad yā Mashāyikhinā,

Dastūr Mawlana Sheikh Abdullāh al-Fā'iz ad-Dāghistāni, Sheikh Muḥammad Nāẓim

al-Ḥaqqānī. Madad. Tarīqatunā aṣ-Suḥbah wa l-Khayru fī l-Jam'iyah.

Alhamdulillah aaj Rajab ka aakhri din hai; Ash'huru l-Harām (muqaddas mahine mein se pehla mahina). Kal hamare yahaan pehla din hai. Kuch calendars (salana taarikh) mein kal Sha'ban ka pehla din hai, kuch mein shayad ek din baad. Lekin Alhamdulillah in Rajab ke tees (30) dino mein, Allah ﷻ ne humein barkat ataa ki. Hum Allah ﷻ se khush hain, jo Us ﷻ ne humein diya, Us ﷻ ke raaste par rehne ke liye. Agar yeh zindagi, mahine, saal guzar rahe hain aur tum Allah ﷻ ke saath ho, tum jeet jaate ho, yeh mahine mein haasil kar lete ho, yeh zindagi mein.

Alhamdulillah yeh mubarak mahina ja raha hai, aur ek dusra mubarak mahina aa raha hai: RasoolAllah ṣallā Llāhu 'alayhi wa-sallam ka mahina. “رجب شهر الله، وشعبان، ورمضان شهر أمتي” “Rajab ShahruLlah, Sha'bān Shahri, Ramaḍān Shahru Ummati,” RasoolAllah ṣallā Llāhu 'alayhi wa-sallam farmate hain. Rajab Allah ﷻ ka mahina hai. Bilkul, har cheez Allah ﷻ ki hai, lekin Allah ﷻ ne isay ummat ke liye zyada mubarak bana diya. Aur RasoolAllah ṣallā Llāhu 'alayhi wa-sallam ki shaan ke liye: Shahru Sha'ban. Sha'ban RasoolAllah ṣallā Llāhu 'alayhi wa-sallam ka mahina hai. Aur Ramzan ummat ka mahina hai. Yeh sabse zyada mubarak hai. Allah ﷻ ne yeh mahina ummat ke liye bana diya. Iss mein bahot si cheezein hoti hain.

Lekin ab hum, InShaAllah, Sha'ban mein hain jis mein RasoolAllah ṣallā Llāhu 'alayhi wa-sallam ne ibadat ke liye zyada tawajjoh di. Kuch naye log kehte hain aise mahinon ki koi qeemat nahi. Nahi, woh nahi jaante. Iss mahine mein, RasoolAllah ṣallā Llāhu 'alayhi wa-sallam Sha'ban mein itne zyada rozay rakhte the ke sahaba ko laga yeh farz ho jayega. Aap ﷺ takreeban poore mahine rozay rakhte the. Aur Ramzan mein bhi, aap ﷺ Ramzan se bahot khush rehte the. Yeh sab, RasoolAllah ṣallā Llāhu 'alayhi

Mawlana Shaykh Muhammad Adil ar-Rabbani

wa-sallam ne humein dikhaya. Alhamdulillah tariqat wale har cheez ka ehtaraam karte hain, yeh nahi poochte ke yeh hai ya yeh nahi hain. Alhamdulillah hamaare tariqat mein, khusoosan Naqshbandi mein, hum apne wird mein, rozana wazifa mein koshish karte hain har sunnat adaa karne ki. RasoolAllah ﷺ 'alayhi wa-sallam. ki sunnat se kuch baahar nahi hain.

Allah ﷻ humein aap ﷺ ke raaste par chalaaye, humein unhi cheezon ki tareef karne ki taufeeq de jiski RasoolAllah ﷺ 'alayhi wa-sallam ne tareef ki. Chahe choti si cheez ki tareef ho, theek hai, lekin uske khilaaf na hon. Agar tum uske khilaaf hue, to Allah ﷻ ke liye kuch kami nahi hogi, lekin tumhare liye kami ho jayegi. Woh tumhein heere jawahiraat dete hain aur tum kehte ho, "Mujhe nahi chahiye." Tum azaad ho. Allah ﷻ humein inn qeemti cheezo ki qadar ki hidayat ataa karein. Humhein isay zarur jaanna chahiye. Alhamdulillah, Allah ﷻ humein hamesha in sab ki qeemat samajhne ki taufeeq de, InShaAllah.

Wa min Allāhi t-Tawfīq. Al-Fātiḥa.

Mawlana Sheikh Muhammad Adil ar-Rabbani
19 January 2026/ 30 Rajab 1447
Fajr Namaaz— Noor ul Islam Masjid; Bury, UK